



GOBERNU BATZARRA

2023.04.18

Alkatea:
Olatz Peon Ormazabal

Bertaratutako zinegotziak:
Begoña Tolosa Mendia
Patxi Amantegi Zubiria
Jose M. Villanueva Telleria

Ez bertaratutako zinegotziak:
Xarles Iturbe Pasaban
Xabier Balerdi Tolosa

Idazkaria:
Begoña Garmendia Vazquez

Kontuhartzaile akzidentala:
Paulino Alonso Eraso

Tolosako Udaletxean, bi mila eta hogeita hiruko apirilaren hemezortzian, 11:15ean, Tokiko Gobernu Batzarra bildu da ohiko bilera egiteko. Mahaiburu alkatea izan da eta alboko zinegotziak agertu dira, eguneko gai-zerrenda aztertzeko:

1. Onartzea GERTEK S.A. enpresak egindako eskaera.
2. Informazioa elkartrukatzeko, ogasun eta finantza departamentuaren eta Gipuzkoako udalen arteko esparru hitzarmenari atxikitzea
3. Dekretu hauen berri ematea:

2023/796 Dekretua: 2023/6 eta 2023/7 faktura zerrendak.

1. ONARTZEA GERTEK S.A. ENPRESAK EGINDAKO ESKAERA.

AURREKARIAK

2023ko otsailaren 2an (erregistro-zenbakia: 2023-2393), GERTEK, S.A. enpresak idatzi bat aurkeztu zuen, zerbitzuan emandako urtebeteko epean izandako superabitaren % 10a itzultzeko eskatuz. TAO kontratuaren ezaugarrien 1. Eranskinetik 4. Atalean oinarritua.

Ehunekoak barne, honako datuak hartzen dira erreferentziazat:

- Zerbitzuaren urteko kostua (CO)=542.124,89 €
- Diru-bilketa (REC)= 581.073,88 €
- Emitza (R)= REC-CO= 38.948,99 €



-R positiboa bada, hau da, zerbitzuan superabita badago Udalari emango zaio, baina esleipendunak ehuneko bat jasoko du superabit horri dagokionez, taula honetan ezarritakoaren arabera:

Eraitza (R) Esleipendunak jaso beharreko ehunekoa

Eraitza (R)	Jasotzeko %
R 10000 euro edo gehiagokoa (BEZa barne) eta 20.000 eurotik (BEZa barne) beherakoa bada	%5
R 20.000 euro edo gehiagokoa (BEZa barne) eta 50.000 eurotik (BEZa barne) beherakoa bada	%10
R 50.000 euro edo gehiagokoa (BEZa barne) eta 80.000 eurotik (BEZa barne) beherakoa bada	%15
R 80.000 euro edo gehiagokoa (BEZa barne)	%20

Erantsitako datuen arabera, superabita 38.948,99 eurokoa da, hau da, 20 mila eta 50 mila euro artekoa. Beraz, aurreko taulako datuen arabera, enpresa kontratistari superabitearen %10a dagokio, hau da 3.894,90 euro.

Aurreko guztia aintzat hartuta, Udaltzaingoaren eta kontuhartzailearen aldeko txostenak ikusita, udal teknikariak egindako proposamena aztertu ondoren, Gobernu Batzar honek, aho batez eta alkateak emandako ahalmenez baliatuta,

ERABAKI DU

LEHENA.- Onartzea GERTEK S.A. enpresak aurkeztutako eskaera eta 3.894,90 euro ordaintzea.

BIGARRENA.- Erabaki honen berri ematea interesdunari, Ogasun eta Finantza Administrazio Sailari eta Hiritarren Segurtasun eta Udaltzaingoko Sailari.

2. INFORMAZIOA ELKARTRUKATZEKO, OGASUN ETA FINANTZA DEPARTAMENTUAREN ETA GIPIZKOAKO UDALEN ARTEKO ESPARRU HITZARMENARI ATXIKITZEA

Udalerrriak lurralde antolaketaren oinarritzko erakundeak dira, bai eta herritarrek herri arazoetan esku hartzeko hurbileneko bidea ere, eta bertako giza taldeen berezko interesak autonomiaz kudeatzen dituzte.



Ogasun eta Finantza Departamenduari dagokio, Gipuzkoako Foru Aldundiaren izen eta kontura, foru zerga sistema eraginkortasunez aplikatzea eta, oro har, beste herri administrazio eta ente batzuen zuzenbide publikoko baliabideak ere, horiek kudeatzeko ardurak legez edo hitzarmen bidez bere gain uzten zaionean. Hitzarmen hau dela medio, Gipuzkoako Foru Aldundiak zergabilketaren kudeaketarako dituen informazioa eta baliabide teknikoak udalerraren esku jartzen dira.

II

Herri administrazioen arteko harremanetan elkar laguntzak printzipio gidaria izan beha duela aintzat harturik, eta 40/2015 Legeak, Sektore Publikoaren Araubide Juridikoarenak, 140 artikuluan ezarritakoan oinarriturik, bi aldeek uste dute, zein bere helburuak betetze aldera, oso onuragarri izan daitekeela lankidetzak sistema egonkor bat ezartzea zergabilketaren kudeaketan.

Uztailaren 5eko 11/1989 -Foru Arauak, Gipuzkoako Toki Ogasunak arautzen dituenak, 2.2 artikuluan xedatzen duenez, aurreko apartatuan aurreikusitakoaren arabera udal ogasunek zuzenbide publikoko sarrera gisa jaso behar dituzten tributu eta zenbatekoak kobratzeko, ogasun horiek Gipuzkoako Lurralde Historikoko Ogasunerako lege ezarrita dauden eskumen eta eskubideak izango dituzte eta, hala behar denean, dagozkien administrazio prozeduren arabera jardungo dute.

Era berean, 8.artikuluak dio " Udalak eta Foru Aldundia lankidetzan arituko direla hitzarmen egokia izenpetuz tributuak kudeatu, likidatu, ikuskatu eta biltzeari dagokion guztian".

Bestalde, Gipuzkoako Zergabilketa Erreglamenduak, 3.3 artikuluan jasotzen duenez, Ogasun eta Finantza Departamentuko organoek beste herri administrazio batzuen baliabideak biltzeko kudeaketa hartu dezakete beren gain, hitzarmenak formalizatuta eta horiek Gipuzkoako Aldizkari Ofizialean argitaratuta. Erreglamendu horrek berak gero 5. artikuluan dio tokiko entitateak arduratuko direla zorraz biltzeaz, eta honelaxe bilduko dutela: a) entitateek beraiek zuzenean edo, b) zorren esparruko beste lurralde ente batzuek, haiekin hitzarmena formalizatu bada edo ahalmen horren eskuorde eman bazaie.

TXOSTEN JURIDIKOA

"APLIKAGARRIA DEN ARAUTEGIA

-40/2015 Legeak, Sektore Publikoaren Araubide Juridikoari buruzkoak, 141. artikuluan aurrerikusten du administrazio publikoek elkarlanean jardun behar dutela. Artikulu horren 1.c) puntuak dio gainerako administrazioei behar duten informazioa emango dietela beraien eskumenak gauzatzeko beharrezkoa denean.

-Gipuzkoako Foru Aldundiaren eta Gipuzkoako Lurralde Historikoko udalen arteko lankidetzak horri esker, efizientzia administratiboa hobetu daiteke eta 39/2015 Legean ezarritako baldintzak bete daitezke, hala nola herritarrek administrazio jardulearen esku dagoen edo beste edozein administrazio egindako dokumentazioa ez aurkezteko duten eskubidea, besteak beste.



-Uztailaren 5eko 11/1989 Foru Arauak, Gipuzkoako Toki Haziendak arautzekoak.

— Uztailaren 5eko 16/1989 Foru Arauak, Hirilurren Balioaren Gehikuntza ren gaineko Zergari buruzkoak.

— Hiri Lurren Balio Gehikuntzaren gaineko Zergari buruzko uztailaren 5eko 16/1989 Foru Araua Konstituzio Auzitegiaren jurisprudentziara egokitzeari buruzko azaroaren 16ko 7/2021 Foru Dekretu Arauak, 8. paragrafoa gehitu dio 7. artikuluari. Gipuzkoa ko Toki Ogasunak arau tzen dituen uztailaren 5eko 11/1989 Foru Arauaren 8. artikuluan xedatutakoa ren arabera, Gipuzkoako Foru Aldundiak eta toki erakundeek zerga aplikatzen lagunduko dute, eta, bereziki, 1.3 eta 1.4 artikuluetan ezarritakoak betetzeko. Horretarako, tributu-informazioa trukatzeko eta lankidetzan aritzeko hitzarmenak sinatu ahal izango dira.

-Hitzarmenak izan behar duen edukia 40/2015ko legearen 49. artikuluan dago arautua:

Aurreko artikuluko 1. zenbakian aipatzen diren hitzarmenek barnean hartu beharko dituzte gai hauek, gutxienez:

a) Hitzarmena sinatzen duten subjektuak, eta alderdietako bakoitzak zer gaitasun juridikorekin jarduten duen.

b) Zer eskumenetan oinarritzen den administrazio publikoaren, hari lotutako edo haren mendeko organismo publikoen eta zuzenbide publikoko entitateen edo unibertsitate publikoen jarduketa.

c) Hitzarmenaren xedea eta subjektu bakoitzak hura betetzeko egin beharreko jarduketak, lortutako emaitzen titulartasuna azalduta, hala badagokio.

d) Alderdietako bakoitzak bere gain hartutako betebeharrak eta konpromiso ekonomikoak, halakorik badago; haien urtekako denbora-banaketa adierazi beharko da, bai eta dagokion aurrekontuari zehazki egotziko zaiona ere, aurrekontu-legeriak xedatu duenaren arabera.

e) Alderdietako bakoitzak bere gain hartutako betebeharrak eta konpromisoen ez betetzeari aplikatu beharreko ondorioak, eta, hala badagokio, ez betetzeak ondorioztadaitekeen kalte-ordaina zehazteko irizpideak.

f) Jarraipen, zaintza eta kontrolerako mekanismoak, hitzarmenaren betearazpenari eta sinatzaileek beren gain hartutako konpromisoei aplikatzekoak. Mekanismo horrekebatziko ditu hitzarmenak direla eta planteatu daitezkeen interpretazio- eta betetze-arazoak.

g) Hitzarmena aldatzeko araubidea. Arau espresurik ez badago, sinatzaileen ahobatezko erabakia beharko da hitzarmenaren edukia aldatzeko.

h) Hitzarmenaren indarraldia, honako erregelak hauek kontuan hartuta:

1.a Hitzarmenek iraunaldi zehaztua izan beharko dute, gehienez ere lau urtekoa, non eta epe luzeagoa aurreikusten ez den arau bidez.

2.a Aurreko zenbakian aurreikusitako epea amaitu aurretik edozein unetan, hitzarmenaren sinatzaileek aho batez erabaki ahalko dute hitzarmena luzatzea, gehienez beste lau urterako, edo hitzarmena azkentzea.

Estatuaren Administrazio Orokorra edo haren mendeko edo hari lotutako erakunde publikoetako batek eta zuzenbide publikoko entitateetako batek sinatutako hitzarmenen kasuan, luzapen horren berri eman beharko zaio Lankidetzako Organo eta Tresnen Estatuko Erregistro Elektronikoari, zazpigarren xedapen gehigarrian aipatzen baita.



50. artikulua honela dio:

Hitzarmenak sinatzeko nahitazko izapideak eta haien ondorioak.

1. *Autonomia-erkidegoetako legeriak aurreikus ditzakeen berezitasunak gorabehera, hitzarmenak justifikazio-memoria bat beharko du, zeinean aztertuko baitira hitzarmenaren premia eta egokitasuna, eragin ekonomikoa, dena delako jardueraren kontratuz bestelakoizaera, eta lege honetan aurreikusita dagoena betetzea.*

2. *Gainera, Estatuaren Administrazio Orokorra edo hari lotutako edo haren mendeko organismo publikoek eta zuzenbide publikoko entitateek sinatzen dituzten hitzarmenei hauek erantsi beharko zaizkie:*

a) *Zerbitzu juridikoaren txostena. Ez dago txosten hori zertan eskatu hitzarmena bat badator dagokion zerbitzu juridikoak aurretiaz txostena egin dion eredu normalizatuarekin.*

b) *Aplikatu beharreko araudiak ezartzen duen beste edozein txosten nahitazko.*

c) *Ogasuneko eta Administrazio Publikoetako Ministerioaren alde aurreko baimena, hitzarmena sinatu, aldatu, luzatu eta alderdien arteko adostasunez suntsiarazteko.*

d) *Administrazio publikoen artean sinatutako urte anitzeko hitzarmenek barnean hartzen badute Estatuak funtsen ekarpenak egitea beste administrazio publiko batek eskusiboki egin beharreko jarduketak finantzatzeko, eta Estatuak, bere eskumenen barruan, konpromisoak hartzen baditu hirugarrenen aurrean, Estatuak etorkizunean urteko ordainketak egiteko baldintza izango da aurrekontuetan kreditua egotea.*

e) *Autonomia-erkidegoekin sinatutako administrazio arteko hitzarmenei dagokienez, Senatuari bidaliko dizkio Ogasuneko eta Administrazio Publikoetako Ministerioak.*

Onartu behar duen organua: Tokiko Gobernu Batzarra: Horrela dio 1228 Dekretuak, uztailaren 16koak: "Alkatetzak eskuordetzea legeriak ematen dizkion ondorengo eskumenak Tolosako Udaleko Tokiko Gobernu Batzarrari:5.-Lankidetzak Hitzarmenak:Beste Administrazioekin edo pertsona fisiko eta juridikoekin lankidetzak hitzarmenak onartzea, ondoko legeen aplikazio-eremutik kanpo geratzen direnak: 9/2017 Legea, Sektore Publikoko Kontratuak arautzen dituena eta 38/2003 Lege Orokorra , dirulaguntzei buruzkoa, eta horiek garatzeko arauak.

Beraz, ondorengo Proposatzen zaio Tokiko Gobernuari:

Gipuzkoako Foru Aldundiko Ogasun eta Finantza Departamentuaren eta Gipuzkoako Lurralde Historikoko Udalen artean informazioa elkartrukatzeko esparru hitzarmenari atxikitzea.Hitzarmenaren edukia espedientean atxikituta aurkitzen da. 2023ko martxoaren 17an GAOn argitaratu zen (53 zk.).Gipuzkoako Foru Aldundiko Ogasun eta Finantza Departamentuaren eta Gipuzkoako Lurralde Historikoko Udalen artean informazioa elkartrukatzeko esparru hitzarmena."

DATU EKONOMIKOAK

Hitzarmenean aurreikusitako jarduketak ez diote kosturik sortuko udalari.



Aurreko guztia aintzat harturik, eta udal teknikariak egindako proposamena aztertu ondoren, Gobernu Batzar honek, aho batez eta alkateak emandako ahalmenez baliatuta,

ERABAKI DU

LEHENA.- Onartzea Gipuzkoako Foru Aldundiko Ogasun eta Finantza Departamentuaren eta Gipuzkoako Lurralde Historikoko Udalen artean informazioa elkartrukatzeko esparru hitzarmenari atxikitzea. 2023ko martxoaren 17an GAOn argitaratu zen (53 zk.).Gipuzkoako Foru Aldundiko Ogasun eta Finantza Departamentuaren eta Gipuzkoako Lurralde Historikoko Udalen artean informazioa elkartrukatzeko esparru hitzarmenak ondorengo edukia du:

KLAUSULAK

Lehenengoa. Xedea.

Esparru hitzarmen honen xedea da zehaztea zer-nolako muga eta baldintza orokorrek arautuko duten Ogasun eta Finantza Departamentuaren eta hori izenpe tzen duten Gipuzkoako udalen arteko informazio truke alde bikoa eta beren informazio sistemetarako elkarri emango dieten sarbidea.

Bigarrena. Informazio lagapenaren helburua eta datuen titularra den pertsonaren baimena.

Informazio igorpen edo lagapen oro behar bezala arrazoituta egongo da, aldi oro hartzaileari esleituak dituen zereginak betetzeak dakartzan beharrezko erantzun behar dien neurrian, eta ezinbesteko izango du interesdunaren baimena jasotzea, legeak besterik esaten ez badu behintzat.

Hirugarrena. Informazio lagapenaren edukia.

- 1. Esparru hitzarmen honen babespean geratuko da administrazio hartzaileari egitea bidezkoa diren informazio lagapenak; betiere hitzarmenean azaldutako eskakizun guztiak bete tzen badira, eta klausula eta printzipio guztiak aintzat hartzen badira.*
- 2. Udalak Ogasun eta Finantza Departamentuari informazioa ematea.*
Apartatu honetan arautzen da zer-nolako informazioa emateko eskatuko dien Ogasun eta Finantza Departamentuak oro har Gipuzkoako lurralde historikoko udalei, berari esleitutako eginkizun batzuk, gipuzkoar zergadunekin zerikusia dutenak, betetzeko beharrezkoa duelako.
Gaur egun, Ogasun eta Finantza Departamentuak Gipuzkoako Lurralde Historikoko udalei buruz eskatzen duen informazioa Nisaeren elkarreragingarritasun plataforman dago eskuragarri, baina esparru hitzarmenean hornidura berriak sartzeko aukera jasotzen da, etorkizunean sor daitezkeen beharrei begira.



3. *Bestalde, Gipuzkoa ko Foru Aldundiko Ogasun eta Finantza Departamentuak honako informazio hau emango dio udalari:*

1. *eranskina: Kontu korrante zenbakiak egiaztatzea.*
2. *eranskina (D6): Udalerrian dauden higiezinaren Ondare Eskualdaketei eta Egintza Juridiko Dokumentatuekin lotuta dauden operazioen datu eta notaritzako eskrituretara sarbidea, Hiri Lurren Balioaren Gehikuntzaren Gaineko Zerga eta beste udal zerga batzuk kudeatu eta biltze aldera.*

Laugarrena. Onartutako informazio lagapenetan aldaketak nola tramitatu eta nola gaineratu esparru hitzarmenean beste lagapen batzuk.

Onartutako eranskinetan aldaketak egiteko eta behin esparru hitzarmena onartutakoan beste informazio lagapen batzuk gaineratze ko, oro har, honako tramite hauek egin beharko dira:

Hartzailearen aldeko organo eskumendunak egindako eskabide arrazoitua, honako datuak bilduz:

- *Helburua.*
- *Lagapena edo trukaketa eta entitate hartzailearen eskumena babesten dituen araudia.*
- *Datuen titularra den pertsonaren baimena beharrezkoa izatetik salbuesten duen araudia, hala balegokio.*
- *Datuen titular diren pertsonen gaineko zehaztapena.*
- *Datuen titularraren baimena eska tzen den ala ez, eta horretarako erabilitako bitartekoak eta/edo formula.*
- *Laga beharreko datu zehatzak, eta adierazitako helbururako egokitasuna.*
- *Lagapen sistema eta horretarako erabilitako baliabide tekniko eta materialak.*
- *Maiztasuna eta ukitutako pertsonen edo entitateen kopurua.*
- *Emandako datuak gerora lagatze ko aurreikuspenak.*
- *Laga beharreko informaziorako sarbidea izateko edo administrazio lagatzaileari eskatzeko baimena duten pertsonak.*
- *Erabiltzaileen kudeaketaz eta emandako informazioaren segurtasunaz eta kontrolaz arduratzen den organoa.*
- *Auzi juridikoak, informatikoak edo beste auzi material batzuk argitzeko solaskideak.*
- *Oro har, egokitzat jotako beste edozein gorabehera.*

Aurkeztutako eskaera bidezkoa dela ziurtatu ondoren, aldaketa esparru hi tzar menean gaineratuko da, edo trukaketa berria eranskin gisa, eta administrazio bakoitzeko eskumendun organoek izenpetu beharko dute. Horrek ez luke ekarriko ondoko klausuletan adierazitakoaren galerarik.

Bosgarrena. Esparru hitzarmenari beste informazio lagapen batzuk gehitzea, eranskin eredu bidez, Ogasun eta Finantza Departamentuak hala eskatuta.

Ogasun eta Finantza Departamentuak bere funtzioak betetzeko beharrezkotzat jotzen badu oro har udalen eskutik informazio lagapen bat eskuratzea, horretarako eskaera aurkeztuko du aurreko klausulan adierazitakoari jarraituz, eta, hala badagokio, udal guztiei bidaliko die, formalizatzeko.

Seigarrena. Hitzarmenaren babespean egite ko informazio lagapen motak.



1. Aldizkakotasunez edo denboran jarraitutasunez egitekoak diren informazio lagapenak.

Aldeetako batak zein besteak planteatuta, bestelako informazio lagapen baten premia sortzen bada, eranskin erduetan katalogoan jasota ez dagoena, esparru hitzarmenean eranskin gisa gaineratzeko aukera egongo da, haren edukiaren zati bihurtuta eta haren arautze horren mende geratuta. Horretarako, eskaeraren eta baimenaren tramiteak bete beharko dira, esparru hitzarmeneko laugarren klausulan adierazitakoari jarraituz.

2. Informazio lagapen puntualak.

Informazio lagapena puntualtzat hartzeko modukoa denean, hau da, espediente multzo zehatz batean sortutako beharrianari erantzutera bideratuta dagoelako, eskaera egiteko, hitzarmenaren laugarren klausulan adierazitako datuak zehaztu behar dira, eta bete beharrekoak diren eskakizunak bete tzen ote diren aztertu ondoren, entitate lagatzaileak eskaera onartuko du, hala badagokio, eta eskatutako informazioa igorriko dio hartzaileari edo sarbidea ahalbidetuko dio.

3. Aldi baterako informazio lagapenak.

Iraupen mugatua duten informazio lagapenak ere esparru hitzar menaren babesean onartzeko aukera egongo da. Horretarako, lehen aipatutako prozedura bete beharko da, eta aldi baterako formalizatu eta baimenduak izango dira.

Zazpigarrena. Esparru hitzarmeneko eranskin gisa onartutako informazio lagapenetan aldaketak egitea.

1. *Esparru hitzarmenean jada gehituta dagoen lagapen batean aldaketa esanguratsu bat egitea planteatu eta arrazoitzen bada, lagapen hori arau tzen duen eranskina aldatu edo ordezkatzeko aukera egongo da. Horretarako, ebazpen edo erabaki berria hartuko dute, hala badagokio, organo eskumendunek, laugarren klausulak ezar tzen duenaren arabera.*

Esparru hitzarmen honetan jasotakoari dagokionean, esanguratsu izaera izango dute informazio lagapenaren helburuari edota edukiari eragiten dioten aldaketek.

2. *Funtsezkoak ez diren aldaketak izatekotan, ez da beharrezkoa izango dena delako eranskinaren aldaketa edo ordezkapena formalizatzea.*

Zortzigarrena. Informazioa emateko sistemak.

Ogasun eta Finantza Departamentuak eta Gipuzkoako udalek informazioa emateko adostutako sistemak segurtasun eskema nazionalean (ENS) eta sistema elkarrengarritasunaren eskeman (ENI) ezarritako beharkizunak beteko dituzte.

Bederatzigarrena. Printzipio aplikagarriak.

Ondoko printzipio eta arauak izan behar ditu kontuan esparru hitzarmen honen babespean egindako informazio lagapen orok:

- 1. Emandako datuak hartzailearen funtzio eta eskumenetara egokitzea.*
- 2. Informazioa garrantzitsua eta baliagarria izatea lagapenean bete nahi diren helburuetarako.*



3. Emandako datuen eta lortu nahi diren helburuen artean proportzionaltasuna egotea.
4. Datuak bidaltzeko eta horietan sartze ko bideak seguruak izatea.
5. Eraginkortasuna lortu eta kostuak murriztea.
6. Zorrotz lotze a datuen eskaera justifikatu eta arrazoitzen duten helburuei, zerga informazioa interesdunaren edo afektatuaren kalterako beste inoiz erabili gabe.

Hamargarrena. Informazio lagapenaren eragina.

Esparru hitzarmen honen babespean egindako informazio lagapen orok izango dituen eragin bakarrak datuak eman diren xede eta helburutik eratorritakoak dira, eta hala zehaztuta egongo dira bakoitzari dagokion eranskinean edo emandako erabaki puntualetan.

Hein horretan, ez du sortuko ez eskubiderik, ez eskubide itxaropenik interesdunaren edo emandako informazioak ukitutako pertsonaren aldekorik, eta, era berean, ez du etengo informazio hori eskuratu den prozeduran nahasiak egon litezkeen eskubide edo betebeharren preskripzioa.

Hamaikagarrena. Informazioa sistema tradizionalen bidez bidaltzeko eta herritarrari ekarpen indibidualik egiteko ez eskatzeko konpromisoa.

1. Esparru hi tzar men hau sina tzen duten entitateek uko egingo diote beren zereginak gara tzeko beharrezkoa duten informazioa sistema tradizionalen bidez bidaltze ko eskatzeari, informazio hori izenpetutako esparru hi tzar menean jada formalizatu eta gaineratutako bideetatik lor dezaketen neurrian, edo eskuratzeko beste sistema batzuk daudenean, aldean artean formalizatuak egon ez arren, datuen erantzulea den entitateak egoitza elektronikoan eskuragarri jarrita eskaini dielako gainerako herri administrazioei, erabil ditzaten.
2. Egoera berean, esparru hitzarmenaren sinatzaileek uko egingo diote interesdun diren pertsona edo entitateei ziurtagiriak edo halako agiriak aurkez ditzatela eskatzeari, berez, administrazio emaileak igorri beharrekoak direlako; eta hein horretan, dagokion informazio eskaera zuzen-zuzenean honi egiteko konpromisoa hartzen dute.
3. Horren ondorioetarako, entitate hartzaileak bere gain hartutako konpromisoa betetzeko neurri egokiak hartuko ditu berak tramita tzen dituen eta informazioa beharrezkoa duten administrazio prozeduretan, eta neurrian artean egongo da interesdunen baimena lortzea alde z aurretik eta berariaz adierazia, bete beharreko araudiak hori agintzen badu.

Hamabigarrena. Zerga informaziorako sarbideen kontrola eta segurtasuna.

1. Zerga informaziorako sarbideen kontrola eta segurtasuna Elkarreragingarritasuneko eta Segurtasuneko Eskema Nazionaletan ezarritakoaren arabera eraenduko da, bai eta Gipuzkoako Foru Aldundiak onartutako segurtasun dokumentuetan ezarritakoaren arabera ere.
2. Informazio lagapen jakin baten eskaera egitean, hartzaileak emaileari jakinaraziko dio zein den erabiltzaileen kudeaketaz eta informazio horretarako sarbideen kontrol eta segurtasunaz ardura tzen den organoa. Organo horri esleitutako zereginak honako hauek dira, besteak beste:
 - a) Informazio lagapen horrekin zerikusia duten eskaerak tramitatzea.
 - b) Emandako informazioaren erabiltzaileen altak eta bajak eskatzea.



- c) Emandako datuen izaera gordea zainduko dela ziurtatzea, eta horretarako beharrezkoak diren neurriak har tzen direla.
- d) Erabiltzaile baimenduek beren baimenaren eta eskuratutako informazioaren erabilera zuzena egiten dutela ziurtatzea, eta ukitutako pertsonak alde aurretik bere onarpena eman duela ziurtatzea, onarpen hori bere datuetara sarbidea izateko ezinbestekoa bada.
- e) Oro har, herri administrazio hartzailea esparru hitzarmena bete tzen ari dela egiaztatu eta zaintzea, baita datu pertsonalen babeserako bete beharrezkoak diren gainerako xedapenak betetzen direla ere, eta hala ez balitz, bete ditzala eskatzea. Alde horretatik, gorabeheraren bat edo irregulartasunen bat dagoela jakingo balu, horren berri emango dio emaileari.
3. Esparru hitzarmenaren babespean emandako informazioari dagokionez, sarbide, zaintza eta erabileraren gaineko honako kontrol hauek ezar tzen dira:
- 3.1. Barne kontrola, informazioaren hartzailea den erakundearen eskutik. Esparru hitzarmen hau izenpetzen duten administrazioek kontrolak egingo dituzte, ikusteko jasotako datu horien gainean zernolako zaintza eta erabilera egiten duten agintariek, funtzionarioek, edo horien mendeko gainerako langileek.
- 3.2 Kanpoko kontrola, emandako informazioaren erantzule den enttearen aldetik.

Aurretik xedatutakoaren galerarik gabe, honako esparru hitzarmena izenpetzen duten administrazioek aukera izango dute beste egiaztapen sistema osagarriren bat ezartzeko, eta horren ondorioetarako, administrazio bakoitzeko segurtasun arduradunak beste administrazioiko kideari eskatu ahal izango dio gertatutako gorabeherari buruz egokituz jo tzen duen informazioa. Fitxategiaren erantzulea den administrazioak alde aurretik ere egin lezake kontrola, elkarren arteko lankidetzaz oztapatuko ez duten baliabide elektronikoak erabilita.

Esparru hitzarmen hau izenpe tzen duten administrazioek onartzen dute beteko dituztela emandako informazioa behar bezala eskuratu eta erabili dela, eta araudiari edo hitzar menari jarraituz bete beharrezkoak diren baldintzak bete tzen direla egiaztatze aldera ados litezkeen egiaztapen jarduketak. Informazio lagapenean izandako gorabehera oro, eta eman beharrezko edo emandako datuen gaineko kontrol, segurtasun, konfidentzialtasun edo osotasunari eragiten dion neurrian, elkarri jakinarazteko ardura beren gain hartu dute bi aldeek.

Emandako informazioaren zaintzaren edo erabileraren gaineko zalantzak sortzen badira, informazioaren erantzulea den administrazioak aukera izango du hartzaileari eskatzeko egin ditzala beharrezkotzat jotako egiaztapenak edo har ditzala neurriak. Halako zalantzak ager tzen badira informazioa bera eman aurretik, lagapena bertan behera uzteko aukera egongo da, zalantzak erabat argitu edo bidezkoak diren neurriak hartu bitartean.

4. Baldin eta antzematen bada informazioa ja so tzen duen administrazioak esparru hitzarmen honen bidez baimendutako sarbideak ez dituela erabili tzen, horiek eten ahal izango ditu, esparru-hitzarmen honen eta bere eranskinen indarrari eragin gabe.

Ez erabiltzeagatik etendako sarbideak berreskuratuko badira, organo arduradunak berariaz eskatu beharko du.



Hamahirugarrena. Datuak isilpean gorde beharra.

Agintariek, funtzionarioek eta gainerako langileek erabat isilpean gorde behar dituzte esparru hi tzar men hau dela bide eskuratzen dituzten datu eta informazio guztiak. Betebehar hori urratzeak dagozkion erantzukizun penal, administratibo eta zibilak sortuko ditu, bai eta Datuak Babesteko Espainiako Agentziari edo Datuak Babesteko Euskal Bulegoari (otsailaren 25eko 2/2004 Legeak sortua) dagozkion eskumenen erabileraren mende geratzea ere.

Lagapen hartzaileak konpromisoa hartzen du dagozkion disziplina neurriak hartzeko, baldin eta datuak isilpean gordetzeko betebehar hau urratu dela jakinarazi badiote agintariek, funtzionarioek edo langile kontratatuek.

Entitate lagapen hartzaileak, ez badago kontrako legezko agindurik, datuak ezabatu beharko ditu jadanik ez badira beharrezkoak edo garrantzitsuak horiek biltzea eragin zuen helburua betetzeko.

Zerga informazioa atzitzeko xedez lagapen hartzailearen eskura jarritako autentifikazio mekanismoak (erabiltzailearen identifikadoreak eta gakoak) pertsonalak eta besterenezinak dira, eta horietara esleitutako erabiltzaileak berorien erabileraren erantzuleak izango dira, baita berorien konfidentzialtasunaren eta babesaren erantzuleak ere.

Hamalagarrena. Finantzaketa.

Esparru hitzarmen honetan aurreikusitako jarduketak ez dute kosturik sortuko, eta ez dute inolako kontraprestazio finantzariarik sortuko alderdi sinatzaileen artean.

Hamabosgarrena. Iraupena, aldaketak, etetea eta iraungipena.

- 1. Esparru hitzarmen honek sinatzen den egunetik izango ditu ondorioak, eta lau urtez egongo da indarrean. Epe hori bukatu aurreko edozein unetan, akordioaren sinatzaileek adostu ahalko dute hura luzatzea, gehienez beste lau urterako, edo hitzarmena azkentzea.*
- 2. Esparru hi tzar menaren aldaketa bi aldeen adostasunarekin gauzatuko da; horretarako, esparru hi tzar menaren indarraldian zehar aldaketa gehigarriaren harpidetza taxutu beharko da.*
- 3. SPAJLren 51. artikuluan ezarritakoaren arabera, honako hauek dira esparru hitzarmena bertan behera uzteko arrazoiak:*
 - a) Indarraldia amaitu eta indarraldia luzatzea erabaki ez bada*
 - b) Aldeek aho batez horrela erabakitzen badute.*
 - c) Sinatzaileetako batek bere gain hartutako betebeharrak eta konpromisoak ez betetzeagatik.*
 - d) Hitzarmena deusez deklaritzen duen erabaki judizialagatik.*
 - e) Hitzarmenean edo legean aurreikusitako beste edozein arrazoiengatik.*

Hamaseigarrena. Datu pertsonalen tratamendua.

Informazioak interesdunen datu pertsonalak jasotzen baditu, hala lagatzaileak nola lagapen hartzaileak lege hauen arabera tratatuko dituzte datu horiek: Europako Parlamentuaren eta Kontseiluaren apirilaren 27ko 2016/679 (EB) Erregelamendua



*eta abenduaren 5eko 3/2018 Lege Organikoa, datu pertsonalak babesteari eta eskubide digitalak bermatze ari buruzkoa.
Esparru hitzarmen honetan tratatutako datuak zerga informazio moduan sailkatzen dira.*

Hamazazpigarrena. Lege araubidea.

Esparru hitzarmen hau administratiboa da, eta Sektore Publikoaren Araubide Juridikoaren urriaren 1eko 40/2015 Legearen atariko tituluaren VI. kapituluko 47. artikulutik 53.era bitartekoetan xedatutakoak arautzen du.

BIGARRENA.- Alkateari ahalmena ematea akordio hau aurrera eramateko behar diren dokumentu guztiak sinatzeko.

HIRUGARRENA.- Hitzarmena Gipuzkoako Aldizkari Ofizialean, Udaletxeko iragarki taulan, Gardentasun Atarian eta Tolosako Udalaren webgunean argitaratzea.

3. DEKRETU HAUEN BERRI EMATEA:

2023/796 DEKRETUA: 2023/6 ETA 2023/7 FAKTURA ZERRENDAK.

Idazkariak 2023/796 Dekretuaren berri eman du. Honelaxe dio:

2023KFAK0002

ZINEGOTZI DELEGATUAREN DEKRETUA

BEGOÑA TOLOSA MENDIA andreak, Ogasun eta Finantza Administrazioiko Azpisaileko zinegotzi delegatuak emana, Toki-Araubidearen oinarriak arautzen dituen apirilaren 2ko 7/1985 Legearen 21.1 eta 21.3 artikuluetan ezarritako eskumenekin bat etorrira eta 2022ko otsailaren 14ko 2022/281 Alkatetzaren Dekretuak zinegotzi delegatuei emandako eskumenez baliatuta.

21/2003 Foru Arauak, abenduaren 19koak, Gipuzkoako Lurralde Historikoko Toki Erakundeen aurrekontuei buruzkoak, bere 41.2 artikuluan xedatzen duenaren arabera, alkateak aintzatetsiko ditu legez eskuratutako gastuen konpromisoetatik sortzen diren betebeharrak.

Hori horrela, zinegotzi delegatuari dagokio onartzea gastuetatik eratorritako 2023ko honako faktura-zerrenda hauek:

6. zenbaki duena, 335,90 eurokoa.

7. zenbaki duena, 248.016,11 eurokoa.



TOLOSAKO
UDALA

2023IGBA0009

Zerrenda horretan sartuta dauden fakturek oniritzi teknikoa daukate eta behar bezala fiskalizatuta daude.

Horiek horrela, zinegotzi delegatuak honako hau

EBAZTEN DU:

LEHENA.- Onartzea honako faktura-zerrenda hauetako faktura guztien eta bakoitzaren gastua eta ordain ditzatela agintzea:

6. zenbaki duena, 335,90 eurokoa.

7. zenbaki duena, 248.016,11 eurokoa.

BIGARRENA.- Dekretu hau jakinaraztea Tolosako Udaleko kontuhartzaileari eta Tokiko Gobernu Batzarrari.

Zinegotzi delegatua

Begoña Tolosa Mendia

Nire aurrean,
idazkaria

Begoña Garmendia Vázquez

Batzarkideak jakinaren gainean geratu dira.

Eta besterik gabe, bilera amaitutzat jo dute 11:50ean.

ALKATEA

IDAZKARIA



Sinaduren laburpena / Resumen de firmas

Titulua / Título:

2023IGBA0009-2023-04-20 Gobernu batzarra akta/2023-04-20 Gobernu